

ՀԱՅՈՑ ՑԵՂԱՍՊԱՆՈՒԹՅՈՒՆԸ ԵՎ ԲԵՐՆԻՅԱՆ ԴԱՏԱՎԱՐՈՒԹՅՈՒՆԸ

Ս. Ս. ՍՏԵՓԱՆՅԱՆ

Հայերի ցեղասպանության վերաբերյալ փաստաթղթերի և վկայությունների բազմաթիվ ժողովածուներն ու գիտահետազոտական աշխատություններն են հրապարակվել աշխարհի տարբեր լեզուներով, սակայն դրանց մեջ անգնահատելի են Բեռլինի հանրահայտ դատավարության սղագրությունն ու նրա հետ կապված փաստագրական նյութերը:

Հարկ է ասել որ դատավարության նյութերը առաջին անգամ հրատարակվել են գերմաներեն, 1921 թ., Բեռլինում՝ «Թալեաթ փաշայի դատավարությունը» վերնագրով: Նույն թվականին լույս է տեսել հայերեն թարգմանությունը, որն ունեցել է մի քանի հրատարակություն, սակայն հարմանալիորեն հայոց ցեղասպանության այդ վավերագիրը հիմնականում վերնագրվել է ոչ թե «Թալեաթ փաշայի դատավարություն», այլ «Սողոմոն Թեհլիրյանի դատավարություն»: Գերմաներեն հրատարակության վերնագիրը միանշանակաբար ճշմարտացի է, քանզի 1921 թ. հունիսի 2—3-ին տեղի ունեցած դատավարությունում դատապարտվեց եղեռնի գլխավոր կազմակերպիչը՝ Թալեաթը, իսկ ժողովրդական վրիժառու Ս. Թեհլիրյանը հանդես եկավ մեղադրողի դերում: Բացի այդ, հայերեն հրատարակությունը չունի ոչ մի առաջաբան, մինչդեռ գերմաներեն առաջին հրատարակության առաջաբանը գրել է ցեղասպանության ականատես, մեծ հումանիստ Ա. Վեգները, որը համակողմանի վերլուծության է ենթարկել իրադարձությունների ամբողջ ընթացքը: Հայերեն հրատարակության մեջ չեն մտցված Թալեաթ փաշայի այն բոլոր հրամանագրերը, որոնք անմիջականորեն վերաբերում են արևմտահայության տեղահանությանն ու ցեղասպանությանը: Այնտեղ գետնից չէ նաև գերմաներեն հրատարակության հավելվածը, որի նյութերը նույնպես հետաքրքրություն են ներկայացնում: 15 տարի առաջ, 1980 թ. Գետինգենում լույս տեսավ գերմաներեն վերջին հրատարակությունը, որի համար նոր առաջաբան է գրել հայոց ցեղասպանության պատմության նշանավոր մասնագետ Թ. Հոֆմանը:

Հարկ է ասել, որ տողերիս հեղինակի ջանքերի համեստ շրջանակներում կազմվեց, խմբագրվեց, ծավալուն առաջաբանով, ծանոթագրություններով, լուսանկարներով ու քարտեզով Մոսկվայում, առաջին անգամ ռուսերեն հրատարակվեց Հայոց ցեղասպանության այդ արժեքավոր ու հավաստի վավերագիրը:

Անշափ կարևոր է, որ հայոց ցեղասպանության ականատես, գերմանացի գրող ու մեծ հումանիստ Ա. Վեգները բեռլինյան դատավարության ժամանակ հանդես եկավ որպես վկա և երգվյալ ատենակալներին առաջարկեց ցուցադրել իր իսկ նկարահանած հայկական կոտորածների ու տեղահանության ողբերգական պատկերները: Բացի դրանից, հայերի ցեղասպանության վերաբերյալ Ա. Վեգների վկայությունները համառոտ ու պատկերավոր ձևով շարադրված են 1921 թ. հրատարակված «Թալեաթ փաշայի դատավարությունը» սղագրության առաջաբանում: Այնտեղ նա նշել է. «Հայ ժողովրդի ողբերգությունն աննախագիշտ իրադարձություն էր այդ պատերազմում և թերևս, մարդկության ամբողջ պատմության մեջ: Կատարված հանցագործությունն այնքան հրեշավոր է, որ նրա արձագանքները ցնցեցին նույնիսկ պատերազմի ժամանակներում ու տարածվեցին բոլոր երկրներում... Եվ ահա հայ անհայտ ուսանողի ատրճանակի կրակոցը, որն սպանեց Թուրքիայի ներքին գործերի նախկին նախարարին ու դրա հետ կապված դատավարությունը ամբողջ աշ-

խարհի ե նաև գերմանական ժողովրդի ուշադրությունը սեռեցին համաշխարհային պատերազմի ամենաարյունալի էջին, ականհայտ դարձավ ճշմարտությունը՝ ևրիտթուրքական կառավարության կողմից մի ամբողջ ժողովրդի ծրագրավորված բնաջնջումը: Իրագործությունների զարմանալի հորձանուտում տեղի ունեցավ այն, որ փաստերի ծանրության տակ տառապող ու լուսկյաց ղոհի ակամայից դարձավ մեղադրող և մեղադրյալի աթոռին այլևս չկա Սողոմոն Թեհլիրյան, այլ կա արյունաշաղախ ննջեցյալի ստվերը, այնպիսի խորհրդավոր իրավիճակի խորիմաստ հաստատում, երբ մեղավորը ոչ թև սպանողն է, այլ սպանվածը¹:

Ա. Վեգները հավաստի փաստերով ցույց է տվել, որ երիտթուրքական ուժերի գործունեության կազմակերպած և իրագործած ցեղասպանության հետևանքն այն ևղավ, որ բնաջնջվելից այն ժամանակվա հայ «ժողովրդի շուրջ կեսը, որը կարծես թե բարձրանում էր գերեզմանից և իր մոխրացած ձեռքերը կարկառում էր պատերազմի սարսափների, դահճի դաժանությունների դեմ, ու դատարանի ամբիոնից մի անգամ ևս ի լուր աշխարհի բացականչում էր անկարարալի ողբերգության մասին»²:

Ներկայանալով բեռլինյան դատավարություն, որպես հայերի ցեղասպանության ու թուրքական ուժերի գործունեությունների ակադեմիա, Ա. Վեգները մատնանշել է, որ իր վկայությունները ինչպիսիք ու որքան էլ լինեն, միայն մասնիկներ կարող էին կազմել տեղի ունեցած անախագեպ ու սարսափելի իրողության մեջ: Բնութագրելով բեռլինյան դատավարությունը, Ա. Վեգները այն կարծիքն է հայտնել, որ իր առանձնահատկությամբ, և որ գլխավորն է՝ բնորոշված արդարացի վճռով, այն համաշխարհային պատմական նշանակություն ունի: «Թալեաթի հանցագործությունն այնքան սարսափելի էր, — գրել է նա, — որ սպանողի արարքը, որը որպես արյան վրեժ, բռնության գործողություն, մենք, բնականորեն մերժում ու ցավում ենք, այդուհանդերձ, մեզ թվում է փրկության միջոց, որով խիզախ էակը սեփական ուժերով ազատագրում է իրեն: Այո, ես այն կարծիքին եմ... որ զա պատմության կամքն էր, երբ զոհերից մեկի ձեռքերով սպանվելից Թալեաթը»³: Ա. Վեգների պատկերավոր խոսքերով «Ինքը՝ Սողոմոն Թեհլիրյանը, միայն խորհրդանշել էր, մի հյուսիս, որի մեջ խտացված ու ցատկոտ արտացոլված էին հայ ժողովրդի վերքերը, նրա ազգային ցավը, խիզախ ինքնապաշտպանությամբ արդարացի հատուցման նրա տենչը»⁴: Եվ ահա հյուսիսն պայթեց ու դատավարությունների համաշխարհային պատմության մեջ առաջին անգամ մեղադրյալի դերում սպանվածն էր, իսկ գլխավոր մեղադրողը սպանողն էր: Եվ բնականորեն, այդ արդարացի դատարանի պատմության մեջ մտավ որպես ոչ թե Ս. Թեհլիրյանի, այլ՝ Թալեաթ փաշայի դատավարություն:

Ա. Վեգները իր ուսումնասիրությունների ու քաղաքագիտական վերլուծությունների հիման վրա այն հետևությունն է արել, որ հայերի ցեղասպանությունը ծրագրված էր վաղօրոք «Իթթիհատ վե թերաքթը» կազմակերպության կողմից: Այդ հրեշավոր ծրագիրը իրագործեց գործադիր իշխանությունը, որի գլխավոր դեմքը ներքին գործերի նախարար Թալեաթ փաշան էր:

Ա. Վեգները հաստատականորեն մերկացնում է թուրքական իշխանությունների բոլոր տեսակի պատճառաբանությունները հայերի ցեղասպանության և ֆիզիկական բնաջնջման հարցում: Նա հատկապես բացահայտորեն անհիմն է համարում «ազգայական անհրաժեշտությամբ» հայերի տեղահանության վարկածը: Այդ կապակցությամբ նա գրել է. «Ինչպե՞ս բացատրել արևմտաանատոլիական վիլայեթներից հայ բնակչության բռնի տեղահանու-

¹ Der Prozeß Talaat Pascha. Stenographischer Prozeßbericht mit einem Vorwort von Armin T. Wegner und einem Anhang, Berlin, 1921, S. VII.

² Նույն տեղում, էջ VII:

³ Նույն տեղում, էջ VIII:

⁴ Նույն տեղում, էջ VII:

թյունը, որտեղ հայերի հուլիսի փոքրամասնությունը որևէ վտանգ չէր կարող ներկայացնել, չէ՞ որ նրանք ապրում ու աշխատում էին ռազմական գործողություններից հարյուրավոր մղոններ հեռու: Մի՞թե հայտնի չէ ամերիկյան դեսպան Մորգենթաուի առաջարկությունը տեղահանվող հայերին Ամերիկա վերաբնակեցնելու մասին: Հայտնի է նաև այն փաստը, որ թուրքական կառավարությունը ոչ միայն մերժեց այդ առաջարկությունը, այլ դրանով հաստատեց, որ այսպես կոչված ռազմական անհրաժեշտությամբ պայմանավորված այդ միջոցառումը միայն պատրվակ էր, որպեսզի քողարկվեր դարի հանցագործությունը՝ աշխատասեր ու բարձր մշակույթի տեր մի ամբողջ ժողովրդի լրիվ ոչնչացումը⁵:

Ա. Վեգները հերքում է նաև ցեղասպանության՝ կրոնական պատճառաբանություններով պայմանավորվածությունը:

«Թալեաթ փաշայի դատավարության» գերմաներեն երկրորդ հրատարակության համար զրած իր առաջարկում Թ. Հոֆմանը իրավացիորեն նշում է. «1921 թվականի հունիսին Թեհլիրյանի գործով դատավարությունն ավարտվեց մեղադրյալի արդարացմամբ, որը մեծ հուզմունքով ու ծափահարություններով ընդունեցին զահլիճում ներկա գտնվածները: Մահվան երթն ապրած ականատես հայերի՝ տիկին Թերզիրաշյանի, եպիսկոպոս Պալաքյանի, ինչպես նաև մեղադրյալի ցուցմունքները դատավարությունը վերածեցին զոհի՝ բուրապատիկ մեղավոր Թալեաթի դեմ ուղղված մեղադրանքի: Դրա հիման վրա էլ դատավարությունը կապվեց ոչ թե Թեհլիրյանի, այլ Թալեաթի անվան հետ և պատմության մեջ մտավ որպես «Թալեաթ փաշայի դատավարություն»⁶:

Թ. Հոֆմանը պատմական հավաստի իրողությունների հիման վրա ցույց է տալիս, որ հայերի ցեղասպանությունը տարերայնորեն սկսված գործողություն չէր, այլ ծրագրված ու մշակված քաղաքականության իրականացում: Նա գրում է, որ ցեղասպանությունն սկսվել է 1915 թ. փետրվարին զինվորական ծառայության ենթակա հայ բնակչության զորակոչով: Հերթական քայլը եղավ հայ զինվորների զինաթափումը և հարկադիր այնպիսի աշխատանքներում օգտագործելը, որոնց տաժանակիր պայմանները հանգեցնում էին զանգվածային մահացության, իսկ եթե կենդանի էին մնում, ապա սպանվում էին թուրքական հատուկ ջոկատների կողմից:

Դրանից հետո, 1915 թ. ապրիլի 24-ին Կոստանդնուպոլսում բանտարկվում են 600 նշանավոր հայ մտավորականներ, որոնցից կենդանի մնաց 15 մարդ: Այդ բոլոր շարաններ գործողությունների նպատակն էր հայ բնակչությանը զրկել ինքնապաշտպանությունից: Անգնե բնակչության զանգվածային և աննախադեպ կոտորածները երիտթուրքական պարագլուխները աշխարհին ներկայացնում էին որպես տեղահանություն:

Թ. Հոֆմանը կարևորագույն եզրահանգման է գալիս, որի իմաստը հետևյալն է. «բոլոր դեպքերում այսօր հայկական ճակատագիրը, ըստ երեւթյունի, կրում է համաշխարհային հասարակայնության մոռացկոտ հիշողության կնիքը, որը դրանով նպաստել և շարունակում է նպաստել ապագա բոլոր ցեղասպանություններին»⁷:

Այդ կապակցությամբ նա մեջբերում է Թալեաթի հոգևոր ժառանգորդ Ա. Հիտլերի այն խոսքերը, որոնք ասվել են 1939 թ. օգոստոսի 22-ին. «Ես հրաման եմ տվել... այն մասին, որ պատերազմի նպատակը ոչ թե որոշակի սահմանագծերի նվաճումն է, այլ հակառակորդի ֆիզիկական բնաջնջումը: Այսպես, ես... հրամայել եմ իմ ՍՍ ընտիր զորամասերին անխնա, առանց խղճահարության ոչնչացնել լեհական ժագումով տղամարդկանց, կանանց ու

⁵ Նույն տեղում, էջ 1X:

⁶ Der Völkermord an den Armeniern vor Gericht. Der Prozeß Talaat Pascha. Gesellschaft für befreite Völker, Göttingen, 1980, S. 4.

⁷ Նույն տեղում, էջ 5:

հրեկոսաներին: Միայն այդպես մենք կարող ենք մեղ անհրաժեշտ կենսատարածք նվաճել: Ո՞վ է այսօր հիշում հայերի բնաջնջումը»³:

Հայերի ցեղասպանության ուսումնասիրությունների հիման վրա Թ. Հոֆմանը այն կարծիքն է հայտնում, որ բեռլինյան դատավարության սղագրության և դրան առնչվող փաստաթղթերի ու նյութերի հրապարակումն ու վերծանումը ոչ միայն վերականգնանացնում են մարդկության հիշողությունը 20-րդ դարի առաջին մեծագույն ողբերգության մասին, այլ նաև պատմական դասեր են նոր սերունդի և ցեղասպանությունների կանխման գործում: Այդ տեսանկյունից կարևորվում է նաև ռուսերեն առաջին հրատարակությունը, որի առաջաբանում տրված է հայոց ցեղասպանության համառոտ պատմությունը և Ս. Թեհմինյանի առաջած ուղիղ: Բերված են մի շարք մանրամասներ, որոնք հայտնի չեն եղել ուսումնական, հայ և այլ լեզուներով ընթերցողներին: Դրանք գերմանական արխիվներում ու զրադարաններում կատարված ուսումնասիրությունների արդյունքներն են: Այժմ անցնենք բեռլինյան դատավարության հետ կապված մի քանի հանգամանքներին:

Հարկ է ասել, որ դատարանի կազմը բաղկացած էր այն ժամանակվա Գերմանիայի բարձրորակ և փորձառու իրավաբաններից: Նախագահողը օկուպացիոն դատարանի նախագահ դոկտոր Լեմերերգը, էր, պաշտոնական սեփականությունը՝ դատախազ Գոլնիկը: Որպես երգվյալ ատենակալներ հանդես էին գալիս Բեռլինի տարբեր շրջանների 14 ներկայացուցիչներ: Դատապաշտպաններ երեքն էին. արդարադատության գաղտնի խորհրդական, դոկտոր Ադոլֆ Ֆոն Գորդոնը, արդարադատության խորհրդական Իոհանես Վերտհաուսերը և կառավարական գաղտնի խորհրդական, ֆիլի համալսարանի իրավունքի պրոֆեսոր, դոկտոր Նիմայերը:

Բարձրանիշները երկուսն էին. Վահան Զաքարյանը և Գևորգ Գալստյանը: Վկաների թիվը բավական մեծ էր՝ տարբեր բնագավառների ավելի քան 20 ներկայացուցիչներ, որոնց մեջ նշված էր նաև տիկին Թալեաթը: Դատաբանում որպես վկաներ հանդես եկան Թերզիբաշյան ամուսինները, զորո Ահամ Անտոնյանը, եպիսկոպոս Գրիգորիս Պալաքյանը և ուրիշներ:

Դատավարության նիստերին մասնակցում էին մի շարք փորձագետներ, որոնք մեջ ամենահավաստի և ազդեցիկ փաստարկներով հանդես եկավ հուսմանիստ և հայրենական հարցի գիտակ դոկտոր Յոհանես Լեփսհուսը: Հետաքրքրություն էին ներկայացնում նաև գեներալ Լիման ֆոն Զանգերսի ցուցումները: Նա պատերազմի նախօրյակին և ընթացքում, շուրջ հինգ տարի աշխատում էր Թուրքիայում, գլխավորում էր գերմանական զինվորական միսիան և հայկական կոտորածների ակնատեսն էր: Փորձագետների մեջ էին նաև պրոֆեսորներ Կասիրեր Զյուրստերը, դոկտոր Շտյուրմերը, գաղտնի խորհրդական Լիպմանը և ուրիշներ: Որպես փորձագետ պետք է հանդես գար նաև պատերազմի ժամանակ Հալեպի գերմանական հյուպատոս Ռյոսլերը, սակայն արտաքին գործերի նախարարությունը արգելեց նրա մասնակցությունը:

Դատավարության առաջին նիստի սկզբում նախագահի այն հարցին, թե հայերի կոտորածները սկսվել են անսպասելիորեն, իսկ եթե ոչ, ապա, դրանք տեղ գտե՞լ են առաջներում, Ս. Թեհմինյանը պատասխանել է, որ կոտորածները տեղի են ունեցել վաղուց ի վեր: Նրա ծնողները պատմել են, որ կոտորածներ տեղի են ունեցել մշտապես: Նա նշել է, որ, օրինակ, դեռևս 1894 թվականին իր ծննդավայրում սարսափելի կոտորածներ են եղել: Ինչ վերաբերում է 1915 թվականին, ապա Ս. Թեհմինյանը հայտարարեց, որ տարիներ շարունակ երզնկացիները գտնվել են սարսափի ու տագնապի պայմաններում: Նա պատմում է, որ երբ սկսվեց պատերազմը, Երզնկայի հայ երիտասարդությունը զորակոչվեց բանակ, իսկ մնացած բնակիչներին հավաքեցին

³ „Akte für deutschen auswärtigen Politik. 1919—1945, Serie D. VII, Nr. 193, S. 171, Anm. 1.

և ուղարկեցին անհայտ ուղիով՝ թյամբ, Հեռագրերից մեկում տեղեկացվում էր, որ բոլոր տեղահանվածներից կենդանի է մնացել միայն մեկը՝ Մարտիրոսյան ազգանունով։

Դատարանում Ս. Թևհիրյանին արված հարցերի պարզ ու հստակ պատասխաններում արտացոլված է այն ողբերգությունը, թուրքական իշխանությունների իրագործած այն բարբարոսություններն ու վայրագությունները, որոնք բաժին ընկան արևմտահայությանը՝

Նրա աչքերի առջև կոտորում են իր հարազատներին և հրաշքով փրկվելով՝ նա հեռանում է լուսնորդ և հայտնվում մի քրդական գյուղում։

Սպանության հաջորդ օրը՝ մարտի 16-ին, «Բիուլիներ լուսալանցալիկ» լրագիրը կատարված դեպքի մասին գրում է. «Սպանվածը Ալի Սայի բնական տակ Բիուլինում բնակված ոչ անհայտ թուրքական նախկին սլավոնական լեզվի Թալեաթ փաշան էր։ Նա Բիուլին էր ժամանել 1919 թվականի հոկտեմբերին, Շաուրսենրուրյի ոստիկանական վարչությունում գրանցվել էր վերոհիշյալ կեղծ անունով և իր տիկնոջ հետ վարձել էր Հարդենրևրդ փողոցի իր սենյականոց թիվ 4 առանձնատունը։ Հրապարակության նա հազվադեպ էր հանդես գալիս իր իսկական անունով և միայն այն ամենամեծավոր հայրենակիցները գիտեին նրան որպես նախկին թուրքական պետական գործչի, հրեկ ցերեկվա ժամը 11-ին Թալեաթ փաշան դուրս էր եկել դռսանքի և Հարդենրևրդ փողոցի իր տնից մոտավորապես 200 մետր հեռու նրան դիմում է մի երիտասարդ, ձեռքով նրա ուսին խփում որպես մոտիկ ծանոթի։ Թալեաթը շրջվում է և ընդհուպ մոտենում ցանկապատին։ Հենց այդ պահին հանցագործը հանում է պարաբելլում ատճանակը և կրակում գլխավոր վեզիրի վրա։ Գնդակը կանգնում է նրա ծոծրակին և դուրս գալիս ձախ աչքից։ Այնուհետև գնդակը դիպչելով պատին անդրադարձ թռչելով հայտնվում է աչ աչքում։ Թալեաթը անկենդան վայր է ընկնում։ Սպանողը ձերբակալվում է, իսկ այնուհետև հասցվում Մոմսենվախի ոստիկանական բաժանմունք։ Ատրճանակում գտնվել է ևս 8 գնդակ։ Դիակը դեպքի վայրից տարվում է կենդանաբանական ազգույց ոչ հեռու գտնվող շտապ օգնության տեղամաս, որ անմիջապես ժամանում են սպանության վերաբերյալ գործերի հետաքննող հանձնաժողովի աշխատակիցները։ Հայտնաբերված փաստաթղթերում նշված էր սպանվածի միայն կեղծ անունը։ Նրա մոտ եղած էր մոտ 1200 մարկ։

Թալեաթի կինը, որը պատահարի ժամանակ գտնվում էր բնակարանում, ամուսնու մահվան լուրն ստանալուն պես ուշագնաց է լինում և այդ պատճառով էլ կատարվածի պարզաբանման համար չէր կարող հարցաքննվել։

Հանցագործը երեկ օրվա երկրորդ կեսին հարցաքննվել է Շաուրսենրուրյի ոստիկանական բաժանմունքում։ Նա գերմաներենին չի տիրապետում և գերմաներեն առանձին բառերի օգնությամբ դժվարությամբ է կարողանում բացատրվել։ Նրա պարզորոշ արտահայտություններից, սակայն, կարելի է եզրակացնել, որ նա սպանությունը կատարել է քաղաքական դրդապատճառներով։ Նա հայ ուսանող Սողոմոն Թեհիրյանն է։ Նա հայտարարել է, որ արյան վրիժառության կողմնակից է։ Նա պնդում է, որ Թալեաթի հրամանով սպանվել են իր ծնողները և այդ պատճառով էլ երկար տարիներ հետամուտ է եղել նրան, որպեսզի վրեժ լուծի։ Վերջապես նա պարզել է, որ Թալեաթը գտնվում է Բիուլինում և որոշել է այնտեղ սպանել նրան։ Ընթացիկ տարվա հունվարին Թեհիրյանը ժնկից ժամանում է Շաուրսենրուրդ։ Նրա անձնագրում վրդան դրված է Փարիզում։ Իր մոտ եղել է մոտ 11000 մարկ։ Գործի հանգամանքները լիովին կարելի է պարզել թուրքերենի թարգմանչի միջոցով։ Կարգաքննության դեպքում։ Զերբակալման ժամանակ հանցագործը այնպես է բաշխվել ու ծնծվել, որ գլխի վրա դալի վերքեր են գոյացել։

⁹ Судебный процесс Талаата паши. Стенографический отчет, М., 1992, с. 70—71.

Դերմանիայի նկատմամբ իր բարեկամական քաղաքականությամբ Թալիսթ փաշան արժանացել է Բնութիւնյան քաղաքական շրջանների մեծ հարգանքին....

Իր կարիերան նա սկսել է կապի ասպարեզի ծառայողից և ոչ շատ տարիներ անց, շնայած ոչ բավարար քաղաքական կրթությանը, երիտթուրքերի կառավարության մեջ զբաղեցրել է մի շարք նախարարական պաշտոններ և երբ դարձավ ներքին գործերի նախարար, դրանից հետո հաջողվեց զբաղվել նաև զլխավոր վեզիրի պաշտոնը: 1908 թվականին ինքնակալությունից Թուրքիայի ազատագրության պայքարի օրերին նրա և էնվեր փաշայի անունները ամենահամբավվորներն էին: Այն ժամանակ, երբ էնվեր փաշան իրականացնում էր ռազմական ղեկավարությունը, Թալիսթը հանդիսանում էր ապստամբության քաղաքական առաջնորդը և հայերի նկատմամբ իր անհամար դաժանություններով հռչակ էր ձեռք բերել: Խուրքիան վաղուց էր տառապում շարքային պաշտոնյաների ապաշտորհությամբ և Թալիսթը հազիվ թե մտադիր էր օգտագործել նրանց անընդունակությունն ու խեղությունը: Այնուհանդերձ նրա հրամանները դժվար էր կեղծ ձևով մեկնաբանել, և նա ամեն ինչ անում էր, որպեսզի ստորին օղակներին տրամադրեր հայ բնակչության դեմ, «պաշտոնյաները իրենց հերթին այնպես էին վարվում հայերի հետ, որ քրյատոնյաների հետապնդման նողկալի արարքները մթազնում էին դրանց առջև: Հազարավոր հայերի ջշում էին անապատներ, որտեղ նրանք մահանում էին սովից: Մոսուլից մինչև Բաղդադ ընկած ճանապարհը և շատ ուրիշ տարածքներ ծածկվում էին հայերի դիակներով: Առանց որևէ պատճառների նրանց զրկում էին տներից և նետում բախտի քմահաճությանը: Այստեղից էլ պարզ է, չի՞հ դա ընկալվի հայերի տեսանկյունից, նրանց արդարացի ատելությունը Թալիսթ փաշայի նկատմամբ, բնավ տարակուսանք չի առաջացնում, որ նրա սպանությունը հանդիսանում է քաղաքական նկատառումներով բացահայտ վրիժառույթյան ակտ»¹⁰:

Ինչպես հայտնի է, 1919 թվականի հուլիսի 5-ին Կոստանդնուպոլսի զինվորական դատարանի որոշմամբ մահապատժի դատապարտվեցին արևմտահայության բնաջնջման զլխավոր մեղավորներ Թալիսթը, էնվերը, Ջեմալը և Նազըմը: Նրանց նկատմամբ ներկայացված մեղադրանքը բաղկացած էր հինգ կետից, որոնցից առաջինը վերաբերում էր հայերի ցեղասպանության համար պատասխանատվություն կրելուն:

Վերադառնալով բնութիւնյան դատավարությանը, հարկ է ասել, որ վկաներից Թերզիբաշյանը պատասխանելով հայերի կոտորածների վերաբերյալ հարցին մատնանշում է, որ օրինակ, իր բոլոր հարազատներն ու ծանոթները Թուրքական զինվորականների կողմից սպանվել են հայրենի քաղաք էրզրումում¹¹:

Դատարանում հետաքրքիր ցուցումներ է տալիս նրա կինը՝ Քրիստինե Թերզիբաշյանը: Որպես վկա նա պատմում է, որ 1915 թվականի հուլիսին Թուրքական զինվորականները հավաքում են իր հայրենի քաղաքի՝ էրզրումի բոլոր հայ բնակիչներին և պարտադրում, որ նրանք պետք է աքսորվեն այլ վայրեր: Պատճառաբանությունն այն էր, որ քաղաքը ռազմաճակատի սահմանագծում է:

Ք. Թերզիբաշյանի վկայությամբ էրզրումի հայությունը բաժանվում է չորս խմբի և արտաքսվում զանազան ուղղություններով: Ամուսիններ Թերզիբաշյանների 21 հոգուց բաղկացած ընտանիքից պատահաբար կենդանի են մնում միայն երեքը:

Դատավարությունում մեծ տպավորություն թողեց գերմանացի մեծ գիտնական, հայագետ, հումանիստ, Հայկական հարցի փորձագետ Յոհանես

¹⁰ „Der christliche Orient“, 1921, Berlin, № 1—3, S. 14.

¹¹ Судебный процесс Талаата пашы. Стенографический отчет, с. 130.

Լեփսիուսը: Նա հավաստի փաստերի հիման վրա բացահայտեց ինչպես Արդու Համիդ 2-րդի, այնպես էլ երիտթուրքերի մշակված ցեղասպանության նողկալի ծրագիրը և զուտ իրադրածման բուրբարոսական իդանակները: Մասնավորապես նա հայտարարեց, որ «տեղահանության մասին որոշումը ընդունվել էր երիտթուրքական կոմիտեի կողմից, իսկ հրամաններն արձակում էին ներքին դործերի նախարար Թալիաթ փաշան և ուղարկված նախարար էնվեր փաշան: Թալիաթի ստորագրած հրամաններից մեկում կա այսպիսի բացատրություն. «տեղահանությունը դա բնաջնջում է»: Այդ հրամանի համապատասխան էլ իրականացվում էին դործողությունները և Արևելյան Անատոլիայի նահանգներից տեղահանվածների միայն 10 տոկոսը հասավ աքսորավայր, մնացած 90 տոկոսը սպանվեց ճանապարհին»¹²:

Բնութագրելով Հայկական հարցը, Յո. Լեփսիուսը գատարանում հայտարարեց. «Հայկական հարցը ինքնաբերական ծառ է: Այն և՛ բնական և՛ դիմադրության պատուհն է... Դիմադրության շախմատային խաղում... հայր հանդիսացել է զինվոր, որին մերթ առաջ են մղել, մերթ ղոհաբերել: Մարդասիրության պատճառաբանություններն ու «քրիստոնեական հովանավորությունը» միայն դիմակ էին»¹³:

Լեփսիուսի փաստարկումների հիման վրա Դատապաշտպան Նիմայերը հետևյալ կորահանդումն է անում. «Հայությունը նվաճված վերջին քրիստոնեյա ժողովուրդն էր, որի տարածքը Թուրքիան համարում էր զավթած: Բալկանյան բոլոր ժողովուրդները, որոնք Թուրքիայի ճնշման տակ էին, ազատագրվեցին թուրքական լծից և որպեսզի հայերը նույնը չանեին, որոշվեց բնաջնջել նրանց»¹⁴:

Դատարանին ներկայացավ և իր խոսքն ասաց Թուրքիայում գերմանական զինվորական միության ղեկավար (պատերազմի ժամանակ) գեներալ Լիման Ֆոն Ջանդերսը: Նա նշեց, որ ամենից առաջ հայերի տեղահանության պատասխանատվությունը լիովին ընկնում է երիտթուրքական կառավարության վրա: Երկրորդ, սկզբից եթե հայերը դիմեցին ինքնապաշտպանության, չէին ցանկանում ևնթարկվել թուրքական կառավարության հրամաններին՝ ղենքը հանձնելու վերաբերյալ և նրանց մի մասը հանդես գալով ռուսների կողմը, պայքարում էր Թուրքիայի դեմ: Այդ պաշտպանական մարտերը, գեներալի կարծիքով, նախադուռ հանդիսացան կոտորածների համար: Նրա ելույթի նպատակը մեկն էր՝ ըստ հնարավորին թեթևացնել և նույնիսկ գերմանական իշխանությունների վրայից հեռացնել հայերի ցեղասպանության հարցում նրանց մեղսակցությունը: Մեղադրելով հիմնականում թուրքական զինվորականության ստորին օղակները, անուղղակիորեն նա պաշտպանության տակ վերջրեց Թալեաթին: Գերմանացի գեներալի խորամանկությունն ու կեղծարարությունը բացահայտվեց հենց դատավարության նույն նիստում՝ դատապաշտպան Ֆոն Դորդոնի կողմից: Նա հայտարարեց, որ Լիման Ֆոն Ջանդերսի միտումը թե հայերի նկատմամբ կատարված զազանությունների մեղավորը ոչ թե Թալեաթն է, այլ ստորին իշխանությունները, նպատակ ունի թյուրիմացության մեջ գցել հասարակական կարծիքը¹⁵: Նա որպես փաստարկ հիշեցնում է Թալեաթի մի քանի հեռագրերը: Ահա դրանցից միայն երկուսը.

«Հայերի ապրելու և աշխատելու իրավունքը Թուրքիայում լիովին վերացված է: Կառավարությունը, որն իր վրա է վերցնում այդ պատասխանատվությունը, հրամայում է օրորոցում չթողնել ոչ մի երեխայի»:

«Կառավարությունը որոշել է Թուրքիայում ապրող բոլոր հայերին լրիվ ոչնչացնել»:

¹² Նույն տեղում, էջ 136—137:

¹³ Նույն տեղում, էջ 140—141:

¹⁴ Նույն տեղում, էջ 143:

¹⁵ Նույն տեղում, էջ 153:

Դատարանում որպես կոտորածների ականատես ու վկա հանդես եկավ հայ եպիսկոպոս Գրիգորիս Պալաքյանը: Հետաքրքիր է, որ երբ Գ. Պալաքյանը պատահականորեն լինում է Կիլիկիայի փոխնահանգապետ Ասաֆ բեյի մոտ, վերջինս ցույց է տալիս հայերի տեղահանության մասին Թալեաթի ստորագրությամբ ստացած հրամանը, որի իմաստը ամփոփված էր մի քանի բառի մեջ. «Ինչու եք սպասում: Ոչնչացրեք նրանց»¹⁶:

Գ. Պալաքյանը դատարանում հրապարակում է 1915 թվականին Չանկիրում թուրք մայրի հետևյալ խոսքերը. «Ինչ որ չկարողացան անել մեր նախորդ բոլոր սուլթանները, մենք կատարեցինք երկու ամսվա ընթացքում՝ ոչնչացնելով մի ամբողջ պատմական ազգ»¹⁷: Դրանից հետո դատարանի նախագահը ավելացնում է. «Եվ իրականում, հենց այդպես է եղել: 15 ամսվա ընթացքում Թալեաթի ձեռքերով ավելի շատ հայ է սպանվել, քան շատ տարիների ընթացքում»¹⁷:

Իր խոսքի վերջում դատախազ Գոլնիկը ասաց. «Մարզկույթյան հայացքները սեփական են մեր որոշմանը: Ձեզ է սպասում մարզկույթյան ղեկավարների հետ համաձայնեցված արդարության լույսը»: Դատապաշտպան Նիմայեթը վերծանելով Ս. Թեհիրյանի այն արտահայտությունը, որ սպանելով Թալեաթին, իր խղճը հանգիստ է, ցույց է տալիս, որ նրա համար բարոյական և իրավական ճշմարտությունները միանշանակ են¹⁸: Նիմայեթը լիովին միանալով իր գործընկերոջ՝ մյուս պաշտպանի արդարացի հարցադրմանը հայտարարեց. «Դուք չեք կարող Թեհիրյանին մեղավոր ճանաչել: Նա վարվել է այնպես, ինչպես պետք էր վարվել, արել է այն, ինչը չէր կարող չանել»¹⁹: Ս. Թեհիրյանի երեք պաշտպաններն էլ վճռականորեն պահանջեցին արդարացնել նրան:

Դատավարության նիստի վերջում երգվյալ ատենակալները խորհրդակցում են ուղիղ մեկ ժամ: Եվ վերջապես գլխավոր ատենակալ Օտտո Ռայնիկեն հանդիսավորությամբ հրապարակում է դատավճիռը, որը ձևակերպված է այսպես. «Մեղավոր է արդյոք Սողոմոն Թեհիրյանը 1921 թվականի մարտի 15-ին Շաղոտենբուրգում Թալեաթ փաշա անունով մարդու կանխամտածված սպանության մեջ: Ո՛չ»²⁰:

Ամբարտելով Բեռլինյան դատավարության հումառոտ լուսաբանումը, հարկ է ասել նաև, որ հայերի ղեղասպանության և Թալեաթ փաշայի դաժանությունների մասին դատարանին ներկայացվել էին ականատեսների՝ դիվանագետների, զինվորականների, դրոշմների և այլ մասնագետների վկայություններ:

Փաստորեն, իրադարձությունների ականատեսների անհերքելի, կենդանի վկայություններով ու փաստաթղթերով հագեցված բեռլինյան դատավարությունը ցեղասպանության համառոտ ու հավաստի պատմությունն է:

ГЕНОЦИД АРМЯНИ И БЕРЛИНСКИЙ ПРОЦЕСС

С. С. СТЕПАНЯН

Резюме

Геноцид армян доказан неопровержимыми фактами и подлинными документами, изданными на разных языках мира. Величайший справедливый гнев, вызванный геноцидом, повлек за собой многочис-

¹⁶ Նույն տեղում, էջ 151:

¹⁷ Նույն տեղում, էջ 154:

¹⁸ Նույն տեղում, էջ 228:

¹⁹ Նույն տեղում, էջ 233:

²⁰ Նույն տեղում, էջ 241:

ленные подвиги, совершенные армянскими народными мстителями. Самый значительный из них—убийство главного организатора геноцида армян, министра внутренних дел Турции Талаата-паши, совершенное 15 марта 1921 года в Берлине Согомоном Тейлиряном. 2—3 июля 1921 г. в Берлине состоялся судебный процесс. Судебный процесс против С. Тейлиряна фактически трансформировался в слушание дела против Талаата-паши и всех младотурецких главарей. В истории мировой юриспруденции впервые виновным признается не убийца, а убитый. Берлинский судебный процесс позволяет извлечь урок из истории человечества и одновременно призывает исключить геноцид из практики взаимоотношений между народами.